



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 10. Quid addendum sit circa alias propos. hic damnatas.

**urn:nbn:de:hbz:466:1-42634**

§ 10. *Q: 10: Quid addendum sit circa alias propositiones hic damnatas. R: Seqq.*

§. 1. *Propositio 16: ab Innoc. XI damnata est hæc, fides non censetur cadere sub præceptum speciale & secundum se. Hæc damnatio confirmat illa, quæ dicta sunt n. 1. circa propositionem 1: ab Alex. VII damnatam, neque opus est aliquid addere, nisi hoc, quod notat Card. d. 11. n. 26.; nempe certum esse, quod præcepto speciali obligemur ad fidem, non tantum præcepto negativo prohibente dissensum, dubitationem & formidinem in fide, sed etiam affirmativo obligante positivè ad eliciendum actum fidei, uti constat ex propositione ibi relata: Innocentius autem faciens in suo decreto mentionem Alexandri, in eodem sensu loquitur cum illo, uti notat Carden. n. 29.*

§. 2. *Propositio 17: ab Innoc. XI damnata est hæc: sat's est actum fidei semel in vita elicere. Ex hac damnatione constat, necesse esse sæpius in vita elicere actum fidei: abstrahitur autem hic, an id necesse sit necessitate medii an præcepti; item an sit necesse per se ratione ipsius præcepti fidei, an autem per accidens ratione præceptorum spectantium ad alias virtutes, secundum dicta à n. 14. qualiscunque enim & undecunque sit ea necessitas sæpius eliciendi actum fidei, propositio damnatæ contradictoria est vera, nempe quod non sit sat's semel actum fidei in vita elicere; & satisfiet præcepto fidei ex quacunque tandem causa vel occasione ponatur actus fidei: probabilius autem est præceptum fidei non obligare per se omni die festo, uti volunt aliqui; neque illis festis, quibus aliqua fidei mysteria celebrantur, uti alii volunt, quorum opinionem Ovid.*

*cont.*

cont. 7. n. 73. dicit passim rejici, non enim datur sufficiens fundatum ejusmodi obligatio-  
num: est tamen obligatio illis temporibus, quæ  
breviter notat Busenb: , fusiùs Sanch: in Dec. I. 2.  
111. Debere frequenter elici, probat multis ex  
Scriptura, PP: & ratione Carden. d. 11. à n. 51.,  
aprimis , quia dum nobis occurrit objectum à  
Deo revelatum, reverentia divinæ locutioni de-  
bita postulat , ut assentiamur: deinde quia non  
possimus diu permanere absque mortali , nisi  
frequenter nos excitemus per fidem & spem ;  
quod etiam fatetur Lug: d. 13. n. 45: , & insinua-  
re videtur Apost: ad Rom. 1. v. 17. justus autem ex  
sleprivit. Denique quia tenemur continuò vivere  
christianè, hoc autem non facit , qui non credit  
frequenter, cùm præcipua actio vitæ christianæ  
sit credere: Unde Lug. n. 23. dicit fidelem teneri  
toties repetere actum fidei, quoties satè sit , ur  
moraliter dicatur habitualiter scire objecta cre-  
denda & profiteri Religionem christianam: no-  
stantque communiter Authores, Episcopis, Pa-  
rochis, Doctoribus, Concionatoribus, Confes-  
sariis plura & magis explicitè esse credenda, quam  
ceteris , quia non aliter poterunt suo docendi  
officio satisfacere , potestque de hoc videri Con.  
d. 14. d. 10. Hi tamen actus fidei concomitanter  
elici possunt, quando quis se signat cruce, audit  
Missam, recitat credo &c, ut n. 27: insinuatum  
est, hinc non est ratio, cur quis se ideo scrupulosè  
divexet (: quamvis consultissimum & maximè  
utile sit sèpe elicere explicitè & reflexè, ut n. 29.  
in fine dictum est:) & ideo Lug. n. 45. ait , cùm  
materia honestè & inhonestè operandi frequen-  
ter occurrat, non esse dubitandum, quin homo ,

qui fidem christianam toto corde amplexus est ,  
plusquam sufficienter satisfaciat præcepto fidei.

52 Q: 11: *An ille specialiter obligetur præcepto eliciendī fidem, qui per hæresim vel aliud peccatum infidelitatis amisit habitum fidei.* R: Affirmat cum aliis multis *Ovied. cont. 7. n. 69.*, & probabiliter , si enim teneatur adultus , qui nunquam credidit , multò magis talis , qui fidem propriā culpā abjecit : tenetur autem de præsenti five primo quoque tempore , quia quando præcepta non determinant tempus, censentur obligare pro præsenti, uti *I. 1. n. 587.* dictum est. Cur autem non sit similis obligatio ad statim pœnitendum post peccatum, dicetur de pœnit: & videri potest *Arr. d. 12. à n. 23.*

53 Q. 12. *Quid addendum sit circa obligationem professionis fidei.* R: Hoc unicum, nempe præceptum, quo exBulla *Pii V.* tenentur facere professionem fidei omnes promovendi in Doctores, Magistros, Professores, à Congregatione Cardinalium extensum esse etiam ad eos , qui docent Grammaticam aliasque artes liberales , licet eas non tradant in scholis publicis , ideoque observari debet, ubi usu receptum est.

Q: 13: *An præceptum affirmativum credendisit naturale an positivum.* R: In quantum obligat ex virtute fidei, dicunt *Hurt:* & alii cum *Ovied. n.66* esse tantum positivum divinum ; docet tamen valde probabiliter *Lug. d. 13. à n. 2.* saltem obligationem juris naturalis esse, ut in communi credatur, quod Deus dicit, supposito quod aliquid dicat , adeoque præceptum credendi esse etiam naturale, non eo sensu , quasi sequatur ex constitutione naturæ secundum se consideratae , sed quia